

太上洞玄靈寶赤書玉訣妙經卷上 二

爾時元始天尊太上大道君五老上帝十方大神會於南丹洞陽上館坐明珠七色寶座時有五帝大聖玄和玉女五萬二千五百衆詣座天灑香華神龍伎樂無數衆紫雲四敷三景齊明天元合慶衆其齊駕時有精進學士王龍賜侍座請受法戒

道告龍賜吾於七百萬劫未修靈寶立願布施持戒執齋勤苦不退履轉生死忍辱精進斷除異念空受無想積感玄寂得作衆聖道專常用慈念欲令廣度衆生是男是女好願至人咸使得見靈寶妙法爾有善心來歸法門由爾前生萬劫已奉至真功滿德足致生道世值遇法興今當為爾解說凝滯十部妙經使爾敬度十方諸天人民勤為用心勿使

慶言

道曰生死因緣輪轉福願莫不由身人身難得道世難遇經法難值訣言難聞吾所以敷張玄旨解說要言者何感念十方天人受生不能保度其身長處苦惱甘心履罪展轉五

道無能覺者是故廣明法教開導慈蒙感使天人得入无上正真之門普度一切生值此世真以宿緣所從真人皆得過度吾受

元始真文舊經說經度世萬劫當還无上死判天過世後五濁之中運命不違是男是女

不見明教常處惡道生壽無幾而憂惱自嬰多受枉橫自生自死輪轉五道墮於三途八難之中殃對相尋無有極已生死分離無有

豪賤實為痛心今解說諸要以度可度汝好正意諦受吾言於是注訣龍賜稽首伏受

教旨

道曰子受靈寶大戒當起北向首體投地禮於十方東向伏聽十戒

一者心不惡妬無生陰賊檢口慎過想念在法二者守仁不殺慈濟群生慈愛廣救洎及

一切三者守貞讓義不淫不盜常行善念損已濟物四者不色不慾心無放蕩貞潔守慎

行無點污五者口無惡言言不華綺內外忠直不犯口過六者減酒第行調和氣性神不損傷無犯衆惡七者不得嫉人勝己爭競功

名每事謙讓退身度人八者不得評論經教皆毀聖文躬心承法常如對神九者不得闕亂口舌評詳四輩天人各俾傷損神氣十者舉動施為平等一心人和神睦行常使然修奉清戒每合天心常行大慈願為一切普度

厄世慊慊專教不得中怠寧守善而死不為惡而生於是不退可得拔度五道不履三惡諸天所護萬神所敬長齋奉戒自得度世

道言靈寶開法度人有十二可從而得度世者爾宜從之自得正直終入無為

一者見真經出法開度一切便發道意心願後世得登大聖二者常行慈心願念一切普

得見法開度廣遠無有障翳三者好樂經教深遠覽達意志堅明開化惡闇四者專受師

訓廣開勸化今入法門遠離盲道五者信向玄妙尊奉經訣晨夕念誦無有怠倦六者不

務榮華斷俗因緣專心定志所營在法七者勤誦大經願念一切廣開橋梁為來生作緣八者常生善心不邪不偽無嫉無害無惡無妬九者在所隨生常值聖世與靈寶法教相

值不絕十者潔身持戒修齋建功廣救群生  
咸得度脫十一者學業廣覽宣通經法預以  
天人普令開度十二者常與明師世世相值  
受教化度人無量是為十二妙訣能行此  
善念世世得見聖文與道結緣諸天友識獨  
步三界無所里礙長離三惡五道八難神明  
敬護地祇擁衛門戶濟甯萬災不干諸所求  
願讀誦此經皆得成就是善男子善女人精  
心專奉皆為十方大聖所有洞達自然身生  
水火變化形影飛升上清功德未滿應經滅  
度即為五帝所迎徑昇天宮不過泰山化生  
貴門與經道相遇徑得度世  
道告龍賜勤行諦受勿為懈怠龍賜稽首伏  
承戒曰  
道言真文咒說高上法度舊文宛奧不可尋  
詳後來學者難可施用故高下注筆以解曲  
滯玉訣真要開演古文微辭玄妙諸天所尊  
披誦玉章十方遙唱上天設禮神魔降伏鬼  
妖滅真侍文玉童玉女各五十人自无前生  
萬劫題名太玄不得見此玉文運會遭遇尅

得神仙福延九祖瀾沅玄孫皆得度脫三惡  
五道八難之中斯文尊貴妙不可勝  
元始靈寶告水帝削除罪簡上法  
靈寶赤帝先生某甲年如干歲某月生願神  
願仙長生不死三元同存九府水帝十二河  
源江河淮濟瀋冷大神乞削罪名上聞九天  
請詣水府金龍驛傳  
太歲某年某月某朔某日某時於某國告文  
右朱書銀木簡上以青紙裏簡青絲纏之  
金龍負簡以投三河之淵初用金鈕九隻  
連簡沉之後投不須三過都止投簡當於  
清冷之淵北向叩齒三通讀簡文咒曰  
元始五老上帝高尊十方至真太華靈仙赤  
文告命無幽不聞上仰九天請下玉文日月  
五星北斗七元中告五嶽四方靈山下告河  
海十二泉源九府水帝溟冷大神今日上告  
萬願關陳請投玉簡乞削罪名千曾萬祖九  
族種親罪根連染及得我身晉蒙削除絕滅  
種根記名水府言上帝前七祖父母去離八  
難上登九天衣食自然我罪釋散萬神咸聞

請以金鈕關明水官請如斯陳金龍驛傳  
元始靈寶告五嶽靈山除罪求仙上法  
靈寶赤帝先生某甲年如干歲某月生命屬  
赤帝名係泰山願神願仙長生度世飛行上  
清五嶽真人至神至靈乞削罪籍上聞九天  
請詣靈山金龍驛傳  
太歲某甲子某月某朔某日某時於某嶽告  
文  
右朱書銀木簡青紙裏之青絲纏之金鈕  
九隻金龍負之埋本命之嶽悉如上法於  
本命之嶽東向叩齒九通讀簡文咒曰  
玄上關明元始監真上帝五老赤書丹文天  
地本始總領三元攝氣名會催促降仙高上  
符命普告十天日月星宿五嶽靈山天下地  
上溟冷大神監生主錄南上三門關領玉簡  
勅名丹篇削落罪書上補帝臣千曾萬祖九  
族種親皆蒙解脫五道八難去離三惡魂升  
九天生死關度萬劫長存今日上告萬神咸  
聞請以金鈕關盟真官請如所告金龍驛傳  
元始靈寶告九地土皇滅罪言名求仙上法

靈寶赤帝先生其甲年如千歲其月生命係九天東斗領籍願神願仙長生度世飛行上清中皇九地戊己黃神土府五帝乞削罪錄勒上太玄請詣中官投簡記名金鈕自信金龍驛傳

太歲其甲子其月其朔其日其時於其郡縣中告文

右朱書銀木簡青紙裹之青絲纏之金紐九隻金龍負之埋所住中宮悉如上法於中庭向壬卯酉十二通讀簡文竟呪曰

天開地張九炁分靈三元同符十方朗清五老上帝開真領生丹書赤文元始上精晉告天下九土皇靈今日上告萬仙定生我願我仙請投玉名土府太皇勅除罪刑奏簡上宮列簿華青早得飛騰天地同靈九祖種親裔骸更榮魂外南宮受化仙庭日吉告命萬神咸聽請以金鈕表盟至情請如所告金龍驛呈  
道曰爾有志心發无上道意欲度諸天人民善男善女咸使得離三惡五道八難之中得

過惡世與道相值當以八節甲子之日投三元玉簡除宿罪簿言名上天事事三過諸天三官九府更相屬寄上天分別萬神敬護五帝侍衛三界司迎門戶整肅天下地祇日月來朝千魔萬精不敢妄干志願堅白獨向咸

成七祖父母即得解脫三途五苦上昇天宮生死福慶影響相酬三官九府善人功過其理甚明世世因緣毫分無虧爾諦奉行勿為懈怠使虛壞爾真

東方九炁青天真文赤書玉訣

東方九炁始皇青天碧霞鬱壘中有老人總校圖錄攝炁降仙

其二十四字主召九天上帝校神仙圖錄學仙道士常以本命甲子立春之日青書二十四字於白刺記姓名年月於刺下投

靈山之嶽九年仙官到使青腰玉女九人身得飛仙

歲星輔肝角亢鎮真氏房心尾四景迴旋箕主七辰正斗明輪承炁捕非掃除災群

其三十二字主召天宿星官正天分度諸

以天災星宿越錯朱書三十二字於青紙上露於中庭九日九夜夕夕依法別呪訖以火焚散反於青烟之中并刺書三十二字於青石上埋東方天災自消星宿復位東山神呪攝召九天赤書符命制會鄧山東

魔送鬼所誅無蠲悉詣木宮敢有稽延

其三十二字主攝鬼魔正九天炁行此法朱書青木刺上以文向東北而依別呪文三呪鬼自束形萬妖自滅精心行之

下制東河濱海水神大劫洪災蛟龍負身水府開道通徑百千上帝赤文風火無間

其三十二字主攝東海水帝大劫天災之數名蛟龍及水神事過水災及欲渡大水黃書三十二字於青紙上依別呪以投水中身自得過蛟龍負載河伯奉迎水下可行也

合一百二十字皆元始自然之書一名生神寶真洞玄章一名東山神呪八威策文

南方三炁丹天真文赤書玉訣

南方丹天赤帝玉堂中有大神號曰赤皇上

炎流煙三炷勃光神仙受命應運太陽

其三十二字主九天神仙圖錄宿名學仙

道士常以本命甲子立夏之日朱書三十

二字於白刺上記姓名年月於刺下投靈

山之嶽九年仙官到使朱陵玉女三人身

得飛仙

榮感輔心井鬼守房柳星張翼統御四鄉軫

總七宿迴轉天常召運促會正道驛行赤文

命靈

其三十六字主名星官明度數正天分度

南方星宿越錯有諸災異當朱書青紙上

露於中庭三日三夜夕夕南向依別呪法

訖以火燒文散之於青煙之中并別刻書

三十六字於赤石上埋南方天災自消星

宿復位

北攝鄴山東送魔宗符教所討明列罪源南

山神呪威伏百千群妖滅奏萬試摧亡

其三十二字主制北鄴正鬼炁行此法黃

書赤木刺上以文向北而依別呪文三行

此法鬼精自滅萬魔東形宜精心行之

南河水帝太伯龍王神呪流行普掃不祥洪

水飛災止蛟召龍開除水運千道萬通敢有

干試攝送火宮赤書所告莫有不從

其四十八字主攝南海水帝大運交洪水

四出召蛟龍水神事過此災及渡大水皆

黃書四十八字於青紙上依別呪以投水

中自得過渡水官奉迎

合一百四十八字皆南方梵寶昌陽丹靈真

老君自然之書一名南雲通天寶靈鈴一名

九天神呪一名赤天八威篆文

中央黃天真文赤書玉訣

中央總靈黃上天元始生五老中黃高專攝

炁監真總領群仙與錄玄圖宿簡王文催運

上炁普告萬神

其四十字主神仙玉簡宿名總歸仙炁學

仙道士以本命甲子春分夏至之日黃書

四十字於白刺上記姓名年月於刺下投

靈山之嶽九年仙官到使黃素玉女十二

人身得神仙

鎮星輔脾迴度北元魁魁主非截邪斬根癩

魁癩掃穢除氛惡正玄斗明度天關九天  
符命金馬驛傳

其四十字主攝星官正天度數諸中央星

宿越錯生諸災異當以朱書四十字於青

紙露於中庭十二日十二夜夕夕向玉依

別呪法訖以火燒文散之於青煙之中并

刻書四十字於黃石上埋中央天災自消

星宿復位

勅攝北帝過塞鬼門剪除不祥莫有富前

其十六字主攝北帝正天氣檢鬼精行此

法白書十六字於黃木刺上以文向東北

而依別呪文三行此法鬼精自滅天魔東

形宜心行之

中山神呪召龍上雲制會黃河九水河源不

得怠縱善惡悉分千妖萬奸上對帝君莫有

干試太陽激熾赤書玉字宣告普聞

其四十八字主攝中海水帝四源之水洪

災湧溢之數召水神及蛟龍事欲過洪水

之灾及渡大水皆當黃書四十八字於青

紙上依別呪投水中自得過渡水官奉迎

合一百四十四字皆中央玉寶元靈元老君自然之書一名寶劫洞清九天靈書一名黃神大呪一名黃帝威靈祭文

西方七炁素天赤書玉訣

西方素天白帝七門金靈皓映太華流氛白石峨峨七炁氤氳上有始生皇老大神總領

肺氣主校九天檢定圖錄制召上仙  
其四十八字主召仙炁學仙道士常以本命甲子立秋之日白書四十八字於白刺上記姓名年月於刺下投靈山之嶽九年

○ 仙官到使太素玉女七人身得神仙  
太白檢肺奎婁守魂胃昂畢嘴主制七關參總斗魁受符比元

其二十四字主白帝星官正明天度諸西方星宿越錯有諸災異當以朱書青紙上露於中庭七日七夜夕夕向西依別呪法

詭以火燒文散灰於青煙之中并刻書二十四字於白石上埋西方天災自消星宿復位

赤書玉字九天正文攝召萬炁普歸帝君

其十六字主攝六天鬼炁行此法黑書十六字於白木刺上以文向東北而依別呪文七過行之鬼精自滅萬魔東形宜精心行之

西山神呪八威七傳符水上龍名山送雲在

此授得同到帝門輔衛上真斬滅邪源若有不祥截以金關赤書符命風火驛傳

其四十八字主攝西海水帝及水中萬精召雲龍以防水災欲知水中精物及洪水彌天欲度此災皆黃書四十八字於青紙上依別呪法投水中立知水中萬精形

○ 象蛟龍負以渡水災水官奉迎也  
合一百三十六字皆西方七寶金門皓靈皇老君自然之書一名金真寶明洞微篇一名

西山神呪一名八威召龍文  
北方五炁玄天真文赤書玉訣  
北方玄天五炁徘徊中有黑帝雙皇太微總

領符命仙鍊八威青裙羽褐龍文鳳衣上帝所降制列玉階  
其四十字主諸真人神仙圖錄學仙道士

常以本命甲子立冬之日黑書四十字於白刺上記姓名年月於刺下靈山之嶽五年仙官到使太玄玉女五人名上仙籍矣

北辰輔腎斗牛衛廉女虛危室豁落四開璧總七星執凶糾非却災掃穢明道洞輝

其三十二字主北方星官正天炁諸以北方星宿越錯有諸災異當以朱書三十二

字於青紙上露於中庭五日五夜夕夕向此依別呪法詭以火燒文散灰於青煙之中并刻書三十二字於黑石上埋北方天

○ 災自消星宿復位  
北山神呪激陽起雷流鈴煥落覆天振威北

○ 鄆所都萬妖滅權  
其二十四字主攝天魔北帝萬鬼事行此法青書二十四字於黑木刺上以文向東

北而依別呪文五過行之鬼精自滅萬魔東形宜精心行之也  
九河傾竭鳥母群飛蛟龍通道水脉洞開赤文玉書驛龍風馳  
其二十四字主攝北海水帝制水中萬精

召蛟龍以負身欲渡大水洪災及過水難  
中萬物黃書二十四字於青紙上依別呪  
文投水中萬物形象身得渡水災蛟龍開  
水道水官出迎也

合一百二十字皆北方洞陰朔單鬱絕五靈

玄老君自然之書一名元神生真實明文一  
名北山神呪一名八威制天文

諸以啓願求道投刺行事莫不悉先東向  
叩齒三通捨香呪曰

無上三天玄元始三炁太上老君召出我身

中三五功曹左右官使者左右捧香驛龍騎  
吏侍香童傳言玉女五帝直符各三十六  
人出關啓此間土地四面真官我今正爾燒  
香關啓願得十方正真之炁入我身中令所  
啓上聞徑御

無上至真大聖尊神王帝九前

凡學道有所求願及修行上法不先關啓  
則為邪魔所干不得上達所修無感神明  
不鑒徒勞無益

元始五老修道求仙赤書真文玉訣

道言夫學上法思神念道山居靜志修齋誦  
經轉度七祖身求神仙當行五老赤書真文  
上法依按舊文皆先叩齒十二通呪曰

玄上高靈元始尊神大聖徘徊萬神臨軒三  
景教暉慶雲四陳上告校園推等九天今日

啓願投刺靈山丹書赤字自然真文上告五  
帝記名玉篇萬神鑒映日月明言願度願生  
願神願仙天地星宿玄照我身三官九府五

嶽大神普告無窮消除罪根元始大開莫不  
納言七祖幽魂受福自然三途五苦永離八

難得與三景同暉紫展輪轉不滅身得飛仙

畢讀刺竟投於絕巖之中便散香靈山之  
上又叩齒三通向本命呪曰

元始監映仙名已書三官九府罪莫不除散  
香五帝告盟太虛請如所陳萬劫長居

畢叩咽九炁止

元始五老禳星宿客災明天分度真文玉訣

道言諸天星宿各有分度至於徑道錯越更  
相侵犯或有異見於四方境域皆由天氣運  
度否激之災有所防出其分國故以天光轉

照玄告不祥故元始垂文和天安地解災却  
惠安國寧民至士精心依法修行災見之日  
書真文如舊法露於中庭向方面叩齒十二  
通散髮仰祝曰

元始上天三光高明迴景照耀四方朗清運

度所衝激揚流星五界錯越三統失寧五斗  
總辰七宿明靈真君大魁厥諱玉精夫人皇

妃宇曰育嬰總御玄關迴轉諸天今有客災  
玄告不祥請以真文赤書上呈散髮謝愆披

露丹誠惟垂玄監迴復天經炁不橫越災不

橫生焚燒靈文散煙玉庭上景監度普告萬  
靈氣清三關災滅九冥陰陽調和國土太平

請以金龍風馬驛呈

畢露真文於中庭金龍鎮之假令災在東  
方則九日九夜竟而燒真文散灰於青煙

之中

凡禳天災安國寧民法皆隨方然燈照諸  
天光假令東方則然九燈亦可九十燈亦  
可九百燈用金龍一兩一枚災在東方用  
青緡九十尺九日九夜災在南方則然三

燈亦可三十燈亦可三百燈用絳緋三十  
尺三日三夜災在中央則然十二燈亦可  
百二十燈亦可千二百燈用黃緋百二十  
尺十二日十二夜災在西方則然七燈亦  
可七十燈亦可七百燈用白緋七十尺七  
日七夜災在北方則然五燈亦可五十燈  
亦可五百燈用黑緋五十八日五夜此  
元始靈寶上元科法

元始五老覆大劫洪水召蛟龍水官度災真  
文玉訣  
道言天地大劫之交洪水四出蕩穢除惡萬  
無道一當此之時天地冥合人民漂流無復  
善惡唯有志學之士得靈寶真文大劫小劫  
之符乃可乘飛羽而高觀登靈嶽而浮翔當  
此之時神人自當使蛟龍為通路開水徑以  
渡身河伯伺迎不望津梁也乃明靈文之妙  
宜拘大劫之交過此之際當依其文施用比  
向叩齒五通閉氣二十五息存己身心中生  
大火出頭頂而燒四方山林草木及己身都  
盡形骸皆成灰塵一時飛翔入青煙之上無

復所遺思大水浩浩蕩蕩天下已身化成蛟  
龍隨水而流因又叩齒二十五通仰呪曰  
上始迴靈開明九元天推地轉二炁流傳五  
行相促運度機關陰陽否激結成災術大劫  
傾圮蕩穢除氛九河受對洪災激川水毋排  
側馬馬合群日月冥會三景停關上選種臣  
推校玉文棄惡遺善清濁未分我參帝簡名  
列九天大災四會赤書所編是日告命萬神  
咸聞日月五星照我魂五嶽靈山浮渡我  
身九河水府溟泠大神開除水徑通利河洋  
蛟龍應符攝山送靈負我渡我驚馳四奔丹  
書赤字元始真文金龍驛呈時刻無間立須  
告御上對帝尊

畢引氣二十五咽須臾自當有開水之神  
以渡此身也在山山則浮在水水自開可  
謂臨危而濟倏歎之頃天地都平也  
元始五老攝召北鄰鬼魔赤書玉訣  
道言夫受靈寶上法致神明來降存念警道  
與天真交會宜先分別鬼魔形象過塞干試  
魔精既伏存思自感神明易致行此之法依

上真文施行便向東北叩齒三十六通閉炁  
九息而仰呪曰  
三元開明迴轉天常運推數極百六乘綱大  
劫交會萬妖爭行比鄰不拘放逸鬼宗群魔  
縱肆杖閉天九上帝有命普告十方演明天  
魔法教開張正道治民掃除不祥有何小妖  
群聚為場赤書玉文檢攝鬼鄉比鄰三官明  
速傳行十魔東英萬鬼送形流鈴交煥激氣  
太陽金虎四邀天丁捕亡大小齊到不得匿  
藏元始所告列奏上宮

元始靈寶五帝真文玉訣  
道士服青帝真符東向叩齒九通思青炁從  
口入注肝中生九重青華寶光徹映項後書  
符置前呪曰  
元上青精九炁大靈神光霞散流映東青華  
景鬱勃灌我身形官府安鎮寶魂自生洞達  
八朗飛昇玉庭  
畢引炁九咽上應服者服佩者佩  
道士服赤帝真符南向叩齒三通思赤炁從  
口入注心中生三重丹華寶光徹映胸前書

符置前呪曰

丹華流映寶芝生光神精微幽散靈八方真符攝炁嘯命朱童三精煥敷注我絳宮赤神安鎮五香溢充洞映形外表裏發光身生水火獨步飛行

畢引炁三咽止如上法

道士服黃帝真符向玉叩齒十二通思黃炁從口入注脾中生十二重黃華寶光洞映一身書符置前呪曰

總元書靈迴神四鄉黃上散華五帝交芳流精散漫十二重光混合我形萬神相迎安備黃熙養炁中房保齡度劫永鎮無窮

畢引炁十二咽止如上法

道士服白帝真符向西叩齒七通思白炁從口入注肺中生七重素華寶光洞映丹田書符置前呪曰

金靈七炁素華流氣金精童子首建元巾帶符攝炁萬神會門寶光奕奕照我命根安鎮肺華萬劫長存

畢引炁七咽止如上法

道士服黑帝真符向北叩齒五通思黑炁從口入注腎中生五重玄寶華光洞映背外書符置前呪曰

北上太玄五炁徘徊寶華五重流光煥暉雲景鬱秀洞映太微仰注我身腎府鮮開安鎮靈宅萬神總歸身生羽服降形自飛

畢引炁五咽止如上法

當取靈山向王之竹全長七尺七節作神杖使上下通直甘竹乃佳書黑帝符著下第二節中次白帝符第三節中次黃帝符第四節中次赤帝符第五節中次青帝符第六節中空上一節以通天空下一節以立地蠟封上節穿中印以元始之章又蠟封下節穿中印以五帝之章絳紋作韻長短大小足容杖卧息坐起常以自隨行來可脫杖衣隱以出入每當別著淨處以杖指天神設禮指地地祇司迎以杖指東北萬鬼束形乘杖行來及欲施用當叩齒三十六通思五帝直符吏各一人衣隨方色有五色之光流煥杖上五帝玉女各一人合共衛杖左右微呪曰

太陽之山元始上精開張天地甘竹通靈直符守吏部御神兵五色流煥朱火金鈴輔翼上真出幽入冥召天天恭攝地地迎指鬼鬼滅妖魔束形靈符神杖威制百方與我俱成與我俱生萬劫之後以我形景為五解神昇上清承符告命靡不敬聽

畢引五炁各五咽合二十五咽止

行此道九年精謹不慢神真形見杖則載人空行若欲尸解杖則代形條欵之間已成真人朔望八節日當燒香左右朝拜此杖則神靈感降道則成矣

靈寶八威神策玉訣

當朱書三天太上召伏蛟龍虎豹山精文者一銀木板上又書記年月師姓諱著一板上合二板內囊裏朱書次文著一板上著囊外凡三板合封為神策如傳之狀

板悉用銀木長一尺四寸廣二寸四分以絳紋之縉作囊令長一丈二尺衣之封外板上下頭印口中元始五老之章當以栢木由絳紋作衣衣函以請策文著別室燒香左右精



心供養受以佩身天下神靈朝夕朝門給五帝玉童玉女各一十二人出入遊行五帝侍衛三界司迎生死無復三惡之難不經泰山徑昇九天衣食自然位同太極要自成仙至學道士佩此文施行神呪以策文指天天

神設禮指地地祇朝拜三界束帶指神神禮指鬼鬼自滅瘞指水水神通道大劫交洪災四會以策召龍龍為負身長修積感神靈交會所在施召降響立到千變萬奇適意所從出入行年位唯太極皆前從飛龍從導天鈞鳳嘯鸞鳴十二華光建三七色節會靈之旂精思九年天儀自備

靈寶八威神策呪曰

元始太真五靈高尊太華皓映洞朗八門五老告命無幽不闕上御九天中制鄴山下領河海十二水源八威神呪靈策玉文召龍負水收氣聚雲東魔送鬼掃蕩妖群萬精摧落所誅無獨日月五星北斗七元諸天諸地諸水諸山玉真所部溟泠大神仙王遊宴五帝杖旂天丁前驅金虎後奔獲天猛獸羅備四

闕所呼立到所召立前赤書煥落風火無間所有攝驗金龍驛傳

畢叩齒九通仰天三嘯引天炁三咽以策文指所告之地閉炁九息而止

元始五老鎮靈求仙禳災赤書玉訣

道士隱學書青帝赤書真文置東方則東嶽仙官至長齋百日精思靈寶尊神則天真下降給青腰玉女九人取東嶽神仙芝草不死之藥青帝鬼魔遠舍九萬里一方凶勃惡獸毒螫皆不生官心反善仁人長齋修行二十四年身得神仙但佩此文亦得尸解轉輪成仙

國土東方及春三月有災欲使東鄉安鎮當赤書青石上鎮東方九日其災自滅凶逆自消一方仁人蒼龍來翔善瑞自至國土太平書文佩身却諸禍殃身無橫患常與神明相當保國寧家享福無窮  
道士書赤帝真文置南方則南嶽仙官至長齋百日精思靈寶尊神則天真下降給朱陵玉女三人取南嶽神仙芝草不死之藥赤帝

鬼魔遠舍三萬里一方凶勃惡獸毒螫皆不生官心反善仁人長齋修行二十四年身得神仙但佩此文亦得尸解轉輪成仙

國土南方及夏三月有災欲使南鄉安鎮當朱書赤石上鎮南方三日其災自滅凶逆自

消一方仁人善瑞顯明鳳凰來迎鸞鶴飛鳴天人歌詠欣國太平書文佩身萬災不生穰凶却穢坐致神靈福慶無窮延年長生家致興隆國祚安寧

道士書黃帝真文置中央則中嶽仙官至長齋百日精思靈寶尊神則天真下降給黃素玉女十二人取中嶽神仙芝草不死之藥黃帝鬼魔遠舍十二萬里中央凶勃惡獸毒螫皆不生官心反善仁人長齋修行二十四年身得神仙但佩此文亦得尸解轉輪成仙

國土中央及四季月有災欲使中國安鎮當朱書黃石上鎮中央十二日其災自滅凶逆自消四方和睦善瑞自生麒麟來歸白虎遊庭國豐民富普天安寧書文佩身萬災不經身康氣強五官精明長保家國永享利貞

道士書白帝真文置西方則西嶽仙官至長齋百日精思靈寶尊神則天真下降給太素玉女七人取西嶽神仙芝草不死之藥白帝鬼魔速舍七萬里西方凶劫惡獸毒螫皆不生害心反善仁人長齋修行二十四年身得神仙但佩此文亦得尸解轉輪神仙

國土西方及秋三月有災欲使西鄉安鎮當朱書白石上置西方七日其災自滅凶惡自消西方自歸善祥自集靈獸飛軒金雀銜符氏老歸賓國寧民泰書文佩身神明交遊災不加身與五帝同儔子孫昌熾世享王侯與善因緣何慮何憂

道士書黑帝真文置北方則北嶽仙官至長齋百日精思靈寶尊神則天真下降給太素玉女五人取北嶽神仙芝草不死之藥黑帝鬼魔速舍五萬里北方凶劫惡獸毒螫皆不生害心反善仁人長齋修行二十四年身得神仙但佩此文亦得尸解轉輪神仙  
國土北方及冬三月有災欲使北鄉安鎮當朱書黑石上置北方五日其災自消凶惡自

滅北方自宿善瑞日昌地載發泄金玉露形天人歌詠國富民豐書文佩身萬災消亡壽同天地福祿永光所向所求莫不利貞子孫昌盛世世賢明

道士學至道上法修奉齋戒精思念道上希靈真滅魔却試皆當先按靈寶上元舊格施

案真文鎮於方面靈真降室五帝官屬侍衛門戶鬼魔消滅所向咸從赤書青帝真文於青縉上置室東壁赤書赤帝真文絳縉上置南壁赤帝黃帝真文黃縉上置中央赤書白帝真文白縉上置西壁赤書黑帝真文黑縉上置北壁施案五篇於齋室之中朝暮燒香隨方禮拜不得雜俗異人干入堂內此皆方方各有威神王童玉女侍衛犯之奏罪九天冥考立加奉者明慎禁忌

九炁青天中有元始青靈之童諱開陽青典青帝赤書真文青靈童長九寸衣青羽衣手執青麾侍文左學者應思此神降已身百日精念靈真見形所求立感有佩真文此童亦常在已肝府之中致青牙之精

三炁丹天中有元始赤靈之童諱丹泉珠典赤帝赤書真文赤靈童長三寸衣赤羽衣手執赤節侍文前學者應思此神降已身百日精念靈真見形所求易感有佩真文此童亦常在已心中致朱丹赤牙之精

中央黃天中有元始黃靈之童諱洪瑛典黃帝赤書真文黃靈童長一寸二分衣黃羽衣手執黃鉞侍文中央學者應思此神降已身百日精念靈真見形所求立感有佩真文此童亦常在已脾府之中致黃牙之精

七炁素天中有元始素靈之童諱明石流典白帝赤書真文素靈童長七寸衣白羽衣手執白旗侍文右學者應思此神降已身百日精念靈真見形所求立感有佩真文此童亦常在已肺府之中致素牙之精

五炁玄天中有元始黑靈之童諱玉滋典黑帝赤書真文黑靈童長五寸衣黑羽衣手執黑幢侍文後學者應思此神降已身百日精念靈真見形所求立感有佩真文此童亦常在已腎府之中致玄牙之精

此五帝靈寶與元始五老同生主五篇真文上統九天之炁下領五嶽中主人五藏引牙之精補養人身服食五牙不知此神終而無感徒勞疲歎

太上洞玄靈寶赤書玉訣妙經卷上

二十五

太上洞玄靈寶赤書玉訣妙經卷下 乃二  
元始上帝靈寶真神十方大聖妙行真人常以一年三詣南帝洞陽宮投定天元推數劫會開明赤書五老真文封題玉礦以付五帝元始五炁常以雞鳴上會靈寶玉京玄都上官陽光初明散元始之暉流觀諸天其氣鬱鬱其暉熏熏精如月珠光如紫雲五氣運轉如車之輪上御九天之關中因五帝靈山下注學士五牙之根上官衆聖大智真人皆以其時餐食其暉仰咽其精與天相承致得無窮太上道君請注其文以傳至真核靈寶玄科四萬劫一傳如是靈寶明見出法度人十方大聖尊神妙行真人同會南園丹霄之阿三元洞室封題玉礦衆真侍座香華伎樂五千萬衆真文奕奕光明洞達五氣觀暉照映內外雲景秀朗如空中之月奇相衆好不可勝量  
是時北室有精進賢者玉繩度有女名曰阿丘曾厭年十六時在浴室中浴香湯自洗見金光明曲照疑有不常出守登牆南向望見

道真神精燦燦容景煥曰女意歡喜义手作禮還稱名丘曹今違非會身親天尊歸身十方天中之天願賜非飛遵承法文拔諸惡根早得轉輪改焉男形萬劫之後冀得飛仙五帝慶至見女發心大願恐過我界因化作五帝老人往告女曰我受十方尊神使命來語女靈寶法典吾道方行法使仁愛慈孝為本始聞汝父當出女身已受人言不可得違宜先從之人道既備禮訓亦足餘可投身天監爾心汝不從父仙無由度女答慶曰我前生不幸宿無因緣功德未充致作女身晨夕悔念誓守一心用意堅固出於自然生由父母命歸十天誠違父教不如君言魔見女執心乘直不可得干於是便退丘曹自云道既高邈無緣得暢仍聚柴登牆焚燒我身冀我形骸得成飛塵隨風自降往至道前於是火然丘曹义手向天言十方無極天尊今自歸形骸天中之天願得時暢如之散塵便投身火中煢爾無著身如蹈空俄頃之間已見女身化度男子徑至道前於是受誠元始即命南